

NOTA DE PRENSA

TPA ESTRENA “LA REVÁLIDA”

- *¿Qué nota sacaríes güie si t'enfrentaras a un esame del colexu? ¿Seríes capaz de volver aprobaloo too?*
- *En “La Reválida” cada selmana tres asturianos bien conocíos pol gran públicu regresen al cole pa tratar de demostrar que podríen superar de nueves esa etapa.*

Xixón/Gijón, 15 de septiembre de 2021

El próximu jueves 16 de septiembre, a les 22:30 hores, TPA estrena n'horariu de máxima audiencia'l programa d'entretenimientu familiar “**La Reválida**”. Un concursu col que vamos comprobar si munches de les coses qu'estudiamos nel colexu cuando yéremos neños tovía les recordamos o si fuimos escaeciéndoles pel camín.

Cada xueves nomaos actores, deportistes, músicos o escritores, ente los que s'alcuentren Chechu Rubiera, Vicente Díaz, Pola, Maite Capín, Mapi Quintana o Celestino Rozada, van ocupar los pupitres de “**La Reválida**” pa divertinos, divertise y, sobre too, seguir recordando y deprendiendo.

Los nuegos alumnos van tener qu'enfrentase a delles pruebes sobre les materies que s'imparten na educación obligatoria n'España.

Van tar dividíes por ciclos que van dir aumentando la so dificultá pasu ente pasu.

Cada programa consta de cinco pruebes:

- **VUELTA AL COLE:** Inclúi preguntes qu'apaecen nos temarios de los cursos primeru a terceru d'Educación Primaria.

- **¿SABES MÁS QUE...?:** Temes sacaos de les unidaes que s'imparten nos cursos de quartu, quintu y sestu de Primaria.
- **MAÑES Y HABILIDAES:** Diferentes pruebas de l'asignatura d'Educación Física.
- **¿QUÉ ye ESO?:** Equí abórdense les materies de los cuatro cursos qu'abarca la Educación Secundaria Obligatoria.
- **LA REVÁLIDA:** Prueba final de la que va salir el vencedor del programa.

El premiu va ser solidariu, y el ganador/a de cada programa va ser l'encargáu de decidir a qué entidá o causa solidaria quier destinalu.

El concursu ta presentáu pola actriz María Cotiello y cuenta col apoyu de la Consejería de Cultura, Política Llingüística y Turismu, y cola collaboración de l'Academia de la Llingua Asturiana.

A partir del 16 de septiembre, cada xueves a les 22:30 hores, en “La Reválida” ponémoste a prueba. ¿Atrévete? ¡A pol sobresaliente!